	221651
BIBLIOTEKA UNIW. JAGELL. KRACOWIENSIS	Mag. St. Dr. III


221651 III

Biblioteka Jagiellońska



stdr0016805





In Nomine Domini, Amen.

QVÆSTIO IVRIDICA,

De Foro & Pœnis Sæcularium, in Criminibus

*mixti fori. Ex cap. Felicis, § Per hoc quoque, de Pœnis in 6.
iunctâ L. Placet. C. de Sacrosanctis Ecclesijs, canoni-
zata in can. Generaliter. 16. Q. 1.*

Q V A M

221657-
10

Sub Felicissimis Auspicijs,

Magnifici, Perillustris & Admodum Reuerendi Domini,

M. SIMONIS STANISLAI
MAKOWSKI,

Sacræ Theologiæ Professoris, Ecclesiæ S. Flo-
riani Canonici, S. R. M. Secretarij, & Almæ Academiæ
Cracouiensis, Studij

GENERALIS RECTORIS
VIGILANTISSIMI.

M. SEBASTIANUS PISKORSKI,

*In Almâ Academiâ Cracouiensi, Collegij Minoris Professor.
pro Collegio DD. J. CC. publicè disputandam,
Superiorum permissu,*

Cracouiæ, in Collegio DD. Iuris-Consultorum,

PROPONET.

Anno Domini, 1672. Die 19. Mensis Septembris, horâ ante meridianâ, Septimâ.

Ex Officinâ SCHEDELIANA, S. R. M. Typograph.

Q V Æ S T I O.

V. Laicus manus violentas in Clericum iniiciens, aut maleficiū in Ecclesiā, vel rebus illius, aut iuribus committens, non obstante priuilegio sui fori, à Iudice Ecclesiastico in ius vocari: viaq; & ordine Iuris seruato, pro crimine illo, & quocunq; alio mixti fori, puniri: & punitus iam, aut absolutus, iterum pro tali excessu, coram sæculari Iudice conueniri, còèrcerique possit ?

C O N C L U S I O I.

Laicus manus violentas in Clericum iniiciens, aut maleficium in Ecclesiā, vel rebus illius, aut iuribus committens, non obstante priuilegio sui fori sæcularis, & illā dispositione Iuris communis: *Actor sequitur forum rei.* à Iudice Ecclesiastico in ius vocari potest.

C O R O L L A R I A.

I. *Altior est potentiorq; Iurisdictione seculari, Potestas Ecclesiastica, in concernentibus Ecclesiæ fauorē, tam in statuendo, quā iudicando.*

II. *Canonum statuta in concernentibus Ecclesiam, ministrosq;, & possessiones eius, ac ubi agitur de peccato, aequè constringunt Laicos, ut Clericos: potestque Ecclesiā canonizare legem, quando pro illā facit: sed eam contra se recipere non tenetur.*

III. *Non debent dedignari saculares, quantumuis potentes, quando Clericus, omisso foro seculari, recurrit ad forum Ecclesiasticum, contra eosdē, iustitiā consequenda ergò: spectatā qualitate criminis & causæ.*

IV. *Nec fiscalis fori Ecclesiastici est iniurius, quoties Laicum, percussorem Clerici, ad pœnam can. Siquis suadente 17. q. 4 ad forum spirituale trahit: dum percussus iniuriam non prosequitur, aut percussor pactum de non querulando fecit: similiter quando intentat actionem sacrilegis, rerum Ecclesiæ detentoribus iniustis, Ecclesiæ aut camiterij violatoribus &c. dummodò faciat zelo iustitiæ, non animo nocendi, odioq;, vel inuidiā premat.*

V. *Iure meritò pœna excommunicationis percelluntur Iudices saculares. In cap. Quoniā. de immunit. Eccl. in 6. quando impedimentū præstant, nè Laicus litiget coram Iudice Ecclesiastico, super causā,*

quæ

que ad forum Ecclesiæ, de iure vel consuetudine spectat: nec vllum unquam debet habere pondus, Cyni dictum, ad L. Quoties C. de iudicijs: Canonicos iureconsultos, fecisse sibi iura, pro libitu sua voluntatis, & Leges civiles seruare ad commodum suum, non autem contra se, propter ambitionem, iurisdictionis secularis usurpanda.

C O N C L U S I O II.

Laicus violentiæ, in personam Ecclesiasticam, vel Ecclesiam, resq; aut iura illius, commissæ, tum & cuiuscumq; criminis, mixti fori reus, non nisi seruato iuris ordine, ac viâ, ab Ecclesiastico Iudice puniri debet.

C O R O L L A R I A.

I. Sententia contra inculpatum criminis, non conuictum, nec confessum, multò magis contra non citatum: prout contra Canones aut Leges lata, de iure non subsistit, nec ab eâ appellare opus.

II. Iudicis officium est, primò cognoscere, deinde Sententiâ ponderare, pronuntiare subinde, tandem exsequi: & nunquam nisi cognitis plenè meritis causa, ad definiendum in negotio descendere: nec iuxta scientiam propriâ, sed secundum allegata & probata iudicare: nisi fortè super notorio cognoscat: ac ideò non amore, non odio, non utilitate priuatâ, à semitâ iustitiæ deflectere: absit verò ut duarum simul personarum vicem sustineat.

III. In iudicijs, licet non habenda sit acceptio personarum: discutiendum nihilominus est, an ex proposito, an impetu, an casu delictum commissum fuerit: & in criminalibus, ubi maius periculum vertitur, cautius agendum, & probationes luce clariores requirendæ.

IV. Si Iudex ad plenam cognitionem veritatis, viâ ordinariâ peruenire nequeat, non prohibetur aliquâ simulatione licitâ, ut à reo criminis confessionem eliciat, uti: non tamen potest in consuetam spe impunitatis promissâ, pœnas extendere ordinarias, nisi fortassis frustratus iam promissione Iudicis, in confessione criminis, reus perseueret, & indicia presumptionesq; non vana, contra eundem militent.

V. Ex omni quidem delicto, tam publico quàm priuato, duplex offensa nascitur, una parti læsæ, altera Reip. at non simul utroq; iudicio agitur, sed altero post alterum: & si utrumq; ad vindictam tendit, uno intentato, alterum prorsus quiescit.

C O N C L U S I O III.

Laicus malefactor Ecclesiæ, vel Eccles: personæ, aut cuiuscumq; criminis mixti fori, v. g. sacrilegij, vsuræ, adulterij, blasphemiæ incestus &c. inculpatus, & à

Iudice Ecclesiastico, pro eodem punitus, quoties poena non est commensurata culpæ, aut à foro sæculari diuersa, neq; vna tollit alteram; rursus à Iudice, sæculari, in ius vocari, cōdēceriq; in quo excedit potest.

C O R O L L A R I A.

I. Interest Reip: delicta, non solum per accusationem, sed etiam inquisitionem & delationem, in iudicium deducta vindicare, debitā iuris animaduersione; quo ita mali cōdēceantur & quietius inter malos, viuant boni: Utq; crimen, quoties non est sufficienter punitum, vel ob defectum potestatis, vel ob prauaricationem, aut collusionem accusatoris, vel propter enormitatem criminis, vel propter diuersam formam actionis, integrè vindicetur, prouidere.

II. Quemadmodum simplicitati delinquentium in poenā detrahendum, ita malitijs hominum indulgendum non est: & quantumuis lex noua, vel statutum loci, imponat certam pro delicto poenam, non propterea tamen, sublata censetur animaduersio, iure communi sancita.

III. Iudex inferior, non potest poenam, lege aut canone sancitam, pro suo arbitratu temperare: licet secus sit censendum, de iudice superiore non recognoscente: dummodò id ex causā fiat legitimā.

IV. Non temere facit Iudex Ecclesiasticus, quando exclusā prorsus Iurisdictione sæculari, cognoscit de crimine perpetrato à Clerico simul & Laico; non tantum ad Clerici ipsius, sed etiam Laici, condignam animaduersionem.

V. Inferiorum culpæ ordinum, ad nullos magis referenda sunt, quàm ad deficientes, negligentēq; magistratus, qui multam sæpē nutriunt pestilentiam, dum astrictiorem dissimulant adhibere medicinam: aut ad importunitatem intercedentium, meritas non extendunt poenas.

C O N C L U S I O IV.

Laicus à Iudice Ecclesiastico, pro violentiā Clerico, vel Ecclesiæ illatā, aut pro quocumq; crimine mixti fori, poenā commensuratā culpæ, nec diuersā à Iure Ciuili punitus, vel legitimè absolutus; non potest iterum, pro eodem delicto, coram Sæculari Iudice, accusari ad poenam, cōdēceriq;

C O R O L L A R I A


I. Non solum sententiā Iudicis, sed etiam Principis indulgentiā, qui crimen remittere potuit, legitimè absolutus, in foro exteriori, libet est ab accusatione iterandā: secus est si absolutus fuerit, in foro interiori.

II. Quando plura remedia competunt ad vindictam, sententiā lata in vno iudicio, obstat in alio; etiam si plus possit aliquis consequi, per aliud.

III. Sicut licet reo, pluribus vtri defensionibus, ad excludendam intentionem actoris: ita & actori, arte quāpiam, doloq; bono, elidere cauillationes aduersarij, ex causā legitimā: at fallere iudicem aut aduersarium, per imposturam mendacij & falsitatis, alterutri non licet.

IV. In Iudicijs absolutorijs, simpliciter absolutus, censendus est absolutus in omnibus: at condemnatus in tanto & soluens, non nisi absoluitur à tanto; alioqui si ex alio capite teneatur, nō est absolutus; sed poterit conueniri saltē in eo, quod excedit.

V. Iudex in omnibus actionibus, cum ex officio nobili, tū mercenario intentatis, quid liceat secundum æquitatem, quid deceat secundum honestatem, quid expediat secundum utilitatē, perpendere debet, reflectereq; oculos in L. Respicendū ff. de Poenis: quin ad laborare, nē sit vnus ex ijs, quos arguit can. Sextā actione 15. q. 7.



en
s à

ra
est
col-
am

ali-
im-
ad-

bi-
en-

tio-
ad

est-
te-
um

ta,
er-
co-

re-
an-

iu-

em
ex
et

o-
ex
dir.
ta-
pe-
de
7.

